

Nunatta Karsiata 2010-mut naatsorsuutaasa Inatsisartunit akuerineqarnissaat aammalu 2010-mut naatsorsuutit kukkunersiorneqarnissaannut kukkunersiuisussamik naalagaaffimmit akuerisamik toqqaanissamut inatsisartunut inassuteqaat pillugu Inatsisartut aalajangiiffigisassaattut siunnersuut

(Aningaasaqarnermut Naalakkersuisoq)

Akissuteqaat

(Aningaasaqarnermut Naalakkersuisoq)

Aappassaaneerreqarnera

Inatsisartut upernaakkut ataatsimiinneranni Nunatta Karsiata 2009-mut naatsorsuutai saqqummiunneqarput. Kukkunersiuiinnermut Ataatsimiititaliaq Nunatta Karsiata naatsorsuutaasa akuerineqarnissaannut isumaliutissiisummik suliaqarpoq.

Kukkunersiuiinnermut Ataatsimiititaliap isumaqatigiissup Inatsisartunut inassutigaa Nunatta Karsiata 2009-mut naatsorsuutai akuerineqassasut.

Naalakkersuisut taamatut inassuteqarneq naammagisimaarpat. Kukkunersiuiinnermut Ataatsimiititaliap isumaliutissiisummini suliat uparuagai nassuiaateqarfigissavakka. Tamatuma saniatigut Naalakkersuisuni ilaasortat allat apeqqutitut susasaqarfigisaminnut tunngasunut akissuteqarnissaminnut piareersimassapput.

Sanaartugassanut Iluarsagassanullu Aningaasaateqarfik

Kukkunersiuiinnermut Ataatsimiititaliap isornartoqartippaa Sanaartugassanut Iluarsagassanullu Aningaasaateqarfiup ingerlatai pillugit Nassuiaatip saqqummiunneqarsimanginnera, ataatsimiititaliap nunatta karsiata ukiumi pineqartumi naatsorsuutaasa misissuataarneqarnerani nassuiaat taana nalinginnaasumik ilaattitaluarmagu.

Naalakkersuisut ataatsimiititaliaq isumaqatigaa siunissarlu eqqarsaatigalugu sulissutiginiarlu Sanaartugassanut Iluarsagassanullu Aningaasaateqarfiup ingerlatai pillugit Nassuiaatip Nunatta Karsiata naatsorsuutaata suliarineqartarneranut ilaatillugu saqqummiunneqartarnissaa.

Eqqortumik takutitsineq, naatsorsuutit katiterneqarnerat tassunga ilanngullugit naatsorsuisarnermi periutsit

Naalakkersuisut naammagisimaarpat Kukkunersiuiinnermut Ataatsimiititaliaq isumaqarmat naatsorsuutit Nunatta Karsiata pigisaanik nalilinnik, uningasuutaanik, aningaasaqarnikkut inissisimaneramik kiisalu ukiumoortumik ingerlatsinikkut, sanaartornikkut kiisalu attartortitsinermi angusanik eqqortumik takutitsisuusut.

Naalakkersuisut Kukkunersiuiinnermut Ataatsimiititaliaq isumaqatigaat oqarmat annertuumik allangortiterisimanerit oqartussaaffinnillu allanguisimanerit naatsorsuutit paasiuminaallisisimaneritut pissutaqaatasut. Naalakkersuisuttaaq isumaqatigaat oqaasertaliussat annertunerusumik atorneqartalernerisigut assigiinngitsunik periuseqartarneq paatsiveerusimaartitseqa-

taasoq. Nunatta Karsiata Naatsorsuutaasa atuaruminerulernissaanik suliaq Naalakkersuisut aallartereerpaat.

Nangaanartoqartitsineq

Nunatta Karsiata 2008-imut naatsorsuutaanisulli 2009-mi naatsorsuutini akileraarutitigut iseritassat piffissalersuinerillu naangaanartoqarsinnaapput. Kukkuersuinerumut Ataatsimiitiliap 2010-mut naatsorsuutitut atatillugu nangaanartoqartitsisoqqaqqinginnissamik isumaa Naalakkersuisut isumaqatigaat.

Akileraarutit

Kukkuersuinerumut Ataatsimiititaliap erseqqissaatigaa akileraartarnerumut akiliisitsiniartarnermullu tunngasut eqiterneqarnerat naapertuutinningsorujussuarmik siunniuteqarsimasoq. Tamanna innuttaasunut suliffeqarfinnullu isumaqalersitsisinnaavoq akileraartarnerumut akiliisitsiniartarnermullu tunngasut salliutinneqanngitsut. Ataatsimiititaliap erseqqissaatigaa taamatut ineriartorneq pinngitsoorniarneqartariaqartoq.

Naalakkersuisut siunissami ajornartorsiutaalersussat pinngitsoortinnissaanut suliaq aallartereerpaat. Naalakkersuisut Akileraartarnerumut Aqutsisoqarfimmi ajornartorsiutit aaqqinniarneranut killiffimmik 2011-imi upernaakkut ataatsimiinnissaq sioqqullugu nalunaarusiorniarpot.

Naatsorsuutit .

Naalakkersuisut naammagisimaarpaat Kukkuersuinerumut Ataatsimiititaliap naatsorsuutitut allanik oqaaseqaateqanngimmat.

Kukkuersuisut nalunaarutaat

Kukkuersuinerumut Ataatsimiititaliap oqaatigaa aqqissuusseqqinnerumut atatillugu pisariillaanissamik Naalakkersuisut takorluugaasa piviusunnngortinnissaat suli ingerlanneqanngissorinartut. Kukkuersuinerumut Ataatsimiititaliap tassunga tunngatillugu oqaatigaa aqqissuusseqqinnerup ingerlarnga erseqqinnerusumik misissuiffigineqassanersoq ataatsimiititaliap piffissami aggersumi naliliiffigissagaa.

Naalakkersuisut naalakkersuisooqatigiinnissamik isumaqatigiissut naapertorlugu qitiusumik allaffeqarfimmi pitsanngorsajuarniarput, naalakkersuisooqatigiinnissamik isumaqatigiissummi ilaatigut anguniagaammat ukiuni aggersuni inuiaqatigiit pitsaanersumik nukissanillu atuiffiuluarnerusumik aqunneqarnissaat Naalakkersuisunit ujartorneqassasoq.

Naatsorsuutitigut nassuiaatit

Kukkuersuinerumut Ataatsimiititaliap 2008-imut naatsorsuutit akuersinerminut atatillugu kissaatigaa naatsorsuutit pitsaanersumik nassuiarneqartarnissaat. Naalakkersuisut nuannaarutigaa kukkuersuinerumut ataatsimiititaliap malugisimmamagu ukiut siuliinut sanilliullugu pitsanngoriaateqartoqarsimasoq.

Naalakkersuisut maluginiarpaat Kukkuersuinerumut Ataatsimiititaliap isumaqartuarsinnarumut naatsorsuutitigut nassuiaatit ilaatigut suli naammaginassuseqanngitsut. Naatsorsuutitigut nassuiaatit ineriartortinnissaat pitsanngorsartuarnissaallu suli sulissutigineqarniarpoq. Tamatumani saniatigut naatsorsuutitigut nassuiaatit pitsaasusissaasa qulakkeerneqartarnissaat suliniutigineqarniarpoq, atuartartut eqqarsaatigalugit ersarissarnerullugit paasiuminarsarlugillu. Suliaassap taasuma ersarinnerusumik saqqummiisarnissamik piumasaaqatitut naleqqussarneqarnissaa Naalakkersuisut qulakkeerniarpaat.

Kukkuersuinerumut Ataatsimiititaliap uparuarpaa ataatsimiititaliap apequtaanut Naalakkersuisut akissutaasa ataqatigiissaarneqartannginnerat, tassungalu tunngatillugu naalakkersuisuni

ilaasortat naalakkersuinikkut akisussaassuseqarnerat, takujuk Inatsisartut inatsisaanni nr. 6-imi ulloq 13. maj 1993-imeersumi § 3.

Naalakkersuisut ataqatigiissaarisooqartarsimannginnera ajuusaarutigaa, siunissamilu paasissutissat nassiunneqartartut ataqatigiissaarneqartarnissaat pitsaassusissaasalu qulakkeerneqartarnissaat isumaginiarlugit, taamaasillunilu allakkiani Naalakkersuisut tamarmiusut isumaat saq-qummiunneqartarnissaat.

Nunatta Karsiata 2008-mut naatsorsuutaannik suliarinninnerup malitseqartinneqarnera

Kukkunersiuinermut Ataatsimiititaliap naatsorsuutigaa, suleriaatsinik naapertuuttunik Naalakkersuisut inassitsiterinermi immikkoortortat saaffiginnissutinut Inatsisartut ataatsimiititaliaannaannuunngitsaq ataatsimulli isigalugu akissutaasa malitseqartinneqartarnissaat qulakkeerneqassasoq. Kukkunersiuinermut Ataatsimiititaliap piumasaqaataa Naalakkersuisut tusaatissatut tiguaat.

Kukkunersiuinermut Ataatsimiititaliap efterskolit pillugit suliamut oqaaseqaatai Naalakkersuisut tusaatissatut tiguaataaq.

Eqqartuussisorisup Ole Spiermannip inatsisilerinikkut misissuisimaneranut innersuusutit Kukkunersiuinermut Ataatsimiititaliamit oqaaseqarfigineqarput. Naalakkersuisut ajuusaarutigaa innersuusutit paatsoorneqarsinnaasimmata.

Kukkunersiuinermut Ataatsimiititaliap kukkusoqarsimaneranik isumaa Naalakkersuisut isumaqatigaat.

Kukkunersiuinermut Ataatsimiititaliap maluginiarpaa Ataqatigiissaarinermut Ataatsimiititaliamik pilersitsisimaneq, taassuma ilaatigut suliassarissallugu suliassat aningaasatigut kinguneqartussat ataqatigiissaarneqartarnissaat. Ataatsimiititaliap isumagisinnaavaa suliassanik kukkusunik amigaatilinnilluunniit imalinnik Inatsisartunut Naalakkersuisunullu nassiussisoqartannginnissaa. Kukkunersiuinermut Ataatsimiititaliap Naalakkersuisut qinnuigaat paasissutigeqqullugu ataqatigiissaarinermut ataatsimiititaliaq pilersinneqarnermi kingorna qasseriarluni ataatsimiissimanersoq taamatullu aamma paasissutigeqqullugu naalakkersuisoqarfiit sorliit ataatsimiinnerni ataasiakkaani peqataatqartarsimanersut.

Paasissutissat Kukkunersiuinermut Ataatsimiititaliamit kissaatigineqartut piffissami qanittumi Naalakkersuisunit nassiunneqassapput, tassungalu ilutigitillugu sulissutiginiarlugu ataqatigiissaarneqartartut pissusissamisoortumik misissorneqartarnissaat, taamaasiortoqarneratigut Naalakkersuisoqarfinni ataasiakkaanni suliassat pitsanngortinneqarsinnaasammata.

Naalakkersuisuttaaq sulissutiginiarpaat ” Naalakkersuisuni, ataqatigiissaarinermut Ataatsimiititaliami il.il. ataatsimiittarnerit pillugit Kaajallaasitap ” ilitsersuutini piginnaatitaaffinnut naapertuuttunngorlugu suliarineqarnissaa.

Ilaqutariinnik sullissivinnut tapiissutinik tunniussisimaneq pillugu Kukkunersiuinermut Ataatsimiititaliap isornartorsiuteqarnera Naalakkersuisut isumaqatigaat, suliniutinillu aallartitse-reerlutik taamatut pisoqaqqinnginnissaannik qulakkeerisussanik.

Kukkunersiuissusamik toqqaaneq

Kukkunersiuinermut Ataatsimiititaliap Inatsisartunut inassutigaa kukkunersiuinermik ingerlatseqatigiiffik naalagaaffimmit akuerisaaq Deloitte 2010-mut Nunatta Karsiata naatsorsuutaasa kukkunersiorneqarnissaannut kukkunersiuissusattut Inatsisartut toqqassagaat.

Naalakkersuisut inassuteqaat tusaatissatut tiguaat Inatsisartullu suliassaq suliareerpassuk inernileereerpatalu Deloitte piaartumik attaveqarfigissallugu.

Naatsorsuutit akuerineqarnerat

Ataatsimiititaliap isumaqatigiissup Nunatta Karsiata 2009-mut naatsorsuutaasa akuerineqar-nissaannik aalajangiiffigisassatut siunnersuutip akuersissutigineqarnissaa inassutigaa.

Inassutigineqartoq Naalakkersuisunit tusaatissatut tiguneqarpoq.